

ANUNCIO DE APERTURA DE PRAZO DE PRESENTACIÓN DE OFERTAS PARA A CONTRATACIÓN DOS “SERVIZOS PARA A POSTA EN MARCHA DUNS TALLERES SOBRE O USO DO MÓBIL PARA MELLORAR A VIDA DOS MAIORES E POTENCIAR O BANCO DE RECORDOS (MEMORIA DIXITAL LUGO) – PROXECTO O MÓBIL E O BANCO DE RECORDOS-, PARA A PROMOCIÓN DA AUTONOMÍA PERSOAL DOS MAIORES DA PROVINCIA”

1. ENTIDADE ADXUDICADORA

- Organismo: Fundación TIC
- Domicilio: Rúa Frei Plácido Rei Lemos s/n c.
- Localidade e Código Postal: Lugo 27004
- Teléfono: 982 284 667 Fax: 982 284 687
- Dirección de Internet do Perfil do Contratante: <http://www.fundaciontic.org>

2. ANTECEDENTES

O obxecto e finalidade da Fundación para o Desenvolvemento das Tecnoloxías da Información e da Comunicación (Fundación TIC), que ven determinado no artigo 6 dos seus Estatutos é o de promover e levar a cabo actividades dirixidas ao fomento da educación, a investigación e o desenvolvemento das TIC, así como ao impulso e á consolidación da denominada sociedade do coñecemento ou sociedade da información, de xeito que se contribúa a mellorar a formación relativa a estas tecnoloxías na provincia de Lugo.

Así mesmo, a Fundación TIC tal e como se reflexa no artigo 7 dos seus Estatutos “...terá a consideración de medio propio e instrumental e servizo técnico da Deputación Provincial de Lugo, ...”.

Tendo en conta que Lugo é unha das provincias máis envellecidas na que o 25% da poboación é maior de 55 anos e que a Deputación de Lugo ten un especial compromiso co colectivo das persoas da terceira idade ou que están próximas a ela, realizouse a través do programa InnoVA TE2: Diputación Dixital, cofinanciado nun 80% polo FEDER, unha Encomenda de Xestión á Fundación TIC para a execución da actuación *Promoción da Autonomía Persoal dos Maiores da Provincia*, rematando a cofinanciación Europea da mesma o 28 de febreiro de 2015.

En continuación á citada labor, en Xunta de Goberno do vinte de febreiro de 2015 adoptouse o acordo da Encomenda de Xestión á Fundación para o Desenvolvemento das Tecnoloxías da Información e da Comunicación (Fundación TIC) como medio propio da Deputación de Lugo para a execución da actuación “Promoción da Autonomía Persoal dos Maiores da Provincia” financiada con fondos propios da Deputación de Lugo.

O obxectivo desta actuación é usar as novas tecnoloxías en actividades nas que participen os maiores conseguindo mellorar a súa calidade de vida mediante a realización de actividades que estimulen a través da tecnoloxía as súas habilidades tanto mentais como físicas contribuíndo desta forma ao seu benestar.

Sendo clave seguir prestando servizos, e co obxecto de promover as novas tecnoloxías entre os máis maiores por ser Lugo unha das provincias máis envellecidas, coincidindo co proxecto posto en marcha pola Fundación Tic, Memoria Dixital Lugo, e unha vez analizados os medios cos que conta a Fundación Tic, xurde a contratación dos servizos para a realización dunhas xornadas/ talleres sobre o uso dos dispositivos móbiles como instrumento para o ocio dixital saudable e potenciar o mesmo tempo o banco de recordos (Memoria Dixital Lugo), por unha empresa externa á Fundación TIC

E neste contexto e co obxecto de promover as novas tecnoloxías entre os máis maiores, xurde a contratación dos “Servizos para a posta en marcha duns talleres sobre o uso do móbil para mellorar a vida dos maiores e potenciar o banco de recordos (Memoria Dixital Lugo) – PROXECTO O MÓBIL E O BANCO DE RECORDOS-, Para a Promoción da Autonomía Persoal dos Maiores da Provincia”

3. OBXECTO DO CONTRATO

Tipo: Servizo

Obxecto do contrato: O obxecto do presente prego é establecer as condicións técnicas mínimas que rexerán a contratación dos “SERVIZOS PARA A POSTA EN MARCHA DUNS TALLERES SOBRE O USO DO MÓBIL PARA MELLORAR A VIDA DOS MAIORES E POTENCIAR O BANCO DE RECORDOS (MEMORIA DIXITAL LUGO) – PROXECTO O MÓBIL E O BANCO DE RECORDOS- PARA A PROMOCIÓN DA AUTONOMÍA PERSOAL DOS MAIORES DA PROVINCIA” que consistirán na aplicación dos móbiles, ferramentas que están presentes na nosa vida e cada día máis na vida dos nosos maiores, como instrumentos aliados para potenciar o banco de recordos Memoria Dixital Lugo, ao mesmo tempo redundar nunha mellora da calidade de vida e do benestar dos maiores.

As persoas maiores non deben permanecer alleas nin ignorantes das oportunidades que ofrecen este tipo de dispositivos móbiles e as novas tecnoloxías.

Conscientes desta situación, o “O MOBIL E O BANCO DE RECORDOS” pretende, aproveitándose das oportunidades que ofrecen ás tecnoloxías da información e a comunicación (TICs) que permiten chegar de maneira mais

rápida e eficaz a un maior número de persoas, a realización de actividades e talleres que garanten igualdade de oportunidades a todas as persoas maiores e os seus dereitos como cidadáns, independentemente de cal sexa o seu lugar de residencia, que fomenten a mellora da estimulación cognitiva e funcional dos maiores da nosa provincia e a mellora da súa calidade de vida e do seu benestar.

Os obxectivos que persegue o devandito proxecto son:

a. Favorecer a autonomía persoal dos maiores da Provincia de Lugo, mediante a posta en marcha de actividades encamiñadas á mellorar a súa estimulación cognitiva e funcional.

b. Fomentar a formación e a alfabetización dixital da terceira idade da provincia de Lugo, ensinándolles a manexar o móbiles e aplicacións tecnolóxicas.

c. Favorecer o acceso das persoas maiores a web Memoria Dixital Lugo como instrumento ao servizo do usuario.

d. Difundir e a vez concienciar sobre o avance das novas tecnoloxías aplicadas a memoria histórica dos nosos maiores.

e. Familiarizarse con a interface dun dispositivo dixital.

d. Promover a participación de forma activa do noso maiores na captación de imaxes, de gravacións de voz, no envío por correo electrónico das mesma.

4. DESCRICIÖN DOS TRABALLOS

Como mínimo desenvólvanse os seguintes traballos no marco desta contratación:

Fase 1. Captación de participantes. Deseño dunha campaña explicativa do proxecto, orientada ós diferentes colectivos de maiores da provincia.

Fase 2. Obradoiros. O licitador deberá como mínimo realizar 15 talleres na provincia de Lugo. Dun mínimo de 4 horas de duración. En horario de mañá, de tarde ou de mañá e tarde e para realizarse deberá haber un mínimo de 5 participantes e un máximo de 15 maiores de 55 anos. Celebraranse nas localizacións que proponha a Fundación TIC

- Deseño de talleres de sensibilización e educación sobre uso do móbil, orientados ós diferentes colectivos de maiores da provincia, como instrumento para a captación de imaxes e gravacións de voz para o banco de recordos -Memoria dixital Lugo.
- No marco da mesma, o licitador deberá necesariamente servíndose das oportunidades que ofrecen as novas tecnoloxías, ofrecer un programa detallado dos mesmos no que se determine como se vai a contribuír a fomentar a estimulación cognitiva e funcional dos maiores da provincia, para o que será imprescindible empregar dispositivos táctiles e ferramentas TIC adaptadas a maiores.

Fase 3. Arquivo dixital. Esta fase comprenderá todos os traballos de campo necesarios para a captación de imaxes e gravacións de voz para potenciar o Banco de recordos- Memoria Dixital Lugo-:

- Deberá encargarse da recopilación de todo o material fotográfico necesario e proceder a súa dixitalización.
- Encargaranse da preparación e realización das entrevistas, así como da edición e posterior entrega a Fundación Tic.

O licitador deberá tamén asumir a organización loxística das actuacións previstas e aportar os elementos e materiais informáticos ou técnicos que resulten necesarios para o correcto desenvolvemento das mesmas, establecendo en colaboración coa Fundación TIC as localizacións para o desenvolvemento das actuacións.

5. CONDICIÓN DE PRESTACIÓN DO SERVIZO

Os servizos a executar desenvolveranse na provincia de Lugo.

A entidade adxudicataria acordará coa Fundación TIC a planificación concreta das actuacións a realizar no marco do proxecto, e deberá cumprir a normativa en materia de protección de datos, de acordo coa lexislación vixente.

Correrán por conta do adxudicatario tanto o equipamento necesario para o correcto desenvolvemento das actuacións como os posibles gastos derivados dos desprazamentos.

6. CONTIDO DA OFERTA

No presente apartado descríbese a estrutura segundo a cal deberase elaborar a oferta presentada por cada un dos licitadores. Para a elaboración da citada proposta deberanse basear nos requirimentos recollidos neste prego.

Con carácter obrigatorio, a documentación deberá presentarse en papel e en soporte dixital, compatible coas ferramentas MS Word 2003 ou Adobe Acrobat Reader 7.0.

A exposición da oferta axustarase, como mínimo e no mesmo orde, aos diferentes apartados detallados a continuación:

1. Índice
2. Introducción
3. Programa dos traballos a realizar.
4. Equipo de traballo: a empresa licitadora deberá dispor do persoal necesario e con suficiente cualificación para garantir o desenvolvemento dos traballos obxecto do presente prego.
 - o As ofertas presentadas detallarán o perfil profesional de cada un dos membros do equipo de traballo encargado da prestación do servizo, conformando estes un equipo solvente, tanto técnica como profesionalmente.
 - o A empresa adxudicataria designará un responsable que actuará como interlocutor ante a Fundación TIC e será o responsable de coordinar os traballos obxecto deste concurso.
5. Prezo.
6. Experiencia cos maiores e nas Tics

7. OBRIGAS DO ADXUDICATARIO:

1. Deberá realizar todas cantas accións sexan necesarias para a captación dos participantes das actividades previstas.
2. Preparar e entregar todos os materiais empregados en formato dixital ós participantes sempre que resulte mais axeitado para o correcto desenvolvemento das actuacións tendo en conta o colectivo ao que se dirixe, maiores de 55 anos. Este material terá que ser validado pola Fundación TIC.
3. Presentar elementos acreditativos do desenvolvemento de todas as xornadas mediante fotografías, vídeos, follas de firma dos participantes, etc. Todo este material deberá de maneira obrigatoria incluír os logotipos mencionados no parágrafo anterior.
4. Formar ao persoal da Fundación TIC e entregar á mesma todo o material necesario para que podan aumentar o banco de records – Memoria dixital Lugo-
5. Manter informada en todo momento á xerencia da Fundación TIC das actuacións realizadas.

6. Realizar unha memoria das actuacións.

7. Avaliar e facer o seguimento de todas as accións realizadas.

8. Durante a execución dos traballos obxecto do contrato, o adxudicatario comprométese, en todo momento, a facilitar ás persoas designadas pola Fundación TIC para tales efectos, a información e documentación que estas soliciten para dispor dun pleno coñecemento das circunstancias en que se desenvolven os traballos, así como dos eventuais problemas que poidan formularse e das tecnoloxías, métodos, e ferramentas utilizados para resolvelos.

9. Sen prexuízo do disposto pola lexislación vixente en materia de propiedade intelectual e de protección xurídica de todos os produtos a entregar desenvolvidos ao amparo do presente contrato, os dereitos corresponden unicamente á Fundación TIC, con exclusividade e para todos os efectos, incluíndo, cando cumpra, os programas en código fonte e toda a documentación técnica e de usuario que se xere no proxecto.

8. LUGAR E HORARIO DA PRESTACIÖN DO SERVIZO:

A prestación dos servizos obxecto do presente prego levarase a cabo en función das características do mesmo, no lugar que a empresa adxudicataria propoña ou nas dependencias que a Fundación TIC habilite ou designe a tal efecto.

Os horarios de realización das accións poderán se obxecto de proposta por parte dos licitadores, aínda que será a Fundación TIC a que estableza os mesmos.

Se por calquera circunstancia, e en especial debido á maior demanda dos participantes, fora necesario incrementar ou variar os horarios fixados, a empresa adxudicataria deberá adaptar o horario de atención ás directrices que se fixen ó respecto por parte da Fundación TIC, sen modificación na facturación.

9. ORZAMENTO MÁXIMO:

O prezo máximo para este contrato é de 17.500,00 € aos que haberá que engadir 3.675,00 € en concepto de IVE. Total 21.175,00 €.

10. CRITERIOS DE ADXUDICACIÖN:

Para a selección do contratista empregatense como criterios de valoración o prezo ofertado, a calidade da oferta presentada e a experiencia en formación a maiores.

11. PRESENTACIÓN DE PROPOSTAS

- a. **Prazo:** 10 días naturais contados a partir do seguinte á publicación deste anuncio no perfil do contratante para que as empresas que desexen participar no proceso, presenten as súas ofertas, as cales deberán estar correctamente seladas e asinadas polo responsable da empresa.
- b. **Lugar de presentación:** As ofertas remitiranse á seguinte dirección de correo electrónico: contratacion@fundaciontic.org

11. PRAZO DE EXECUCIÓN

O prazo máximo de execución do contrato será ata o 15 de decembro dende a comunicación da adxudicación.

12. OUTRAS CONSIDERACIÓNS

A PUBLICACIÓN DESTE ANUNCIO NON DETERMINA COMPROMISOS OU OBRIGAS CONTRACTUAIS OU ORZAMENTARIAS ALGUNHAS CON ANTERIORIDADE AO ACTO DE ADXUDICACIÓN.



Lugo, 27 de setembro de 2016
Asdo.: Margarita Soilán Carbia,
Xerente da Fundación TIC

Conforme:

Lugo, a 27 de setembro de 2016

O PRESIDENTE DA FUNDACIÓN TIC,

O PRESIDENTE DO PADROADO

P.D. Resolución do día 18 de xaneiro de 2016

O Padroeiro do Padroado



Asdo: D. Álvaro Santos Ramos